

ԼՈՒՐԵՐ ՀԱՅԱՍՏԱՆԵՆ

ԾԱՅՐԱԳՈՅՆ ՊԱՏՐԻԱՐԺ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ



PATRIARCHE SUPREME

CATHOLICOS DE TOUS LES ARMÉNIENS

N^o 324

Ս. էջմիածին 7 Մայիսի 19 93

ՆՈՐԻՆ ԱՄԵՆԱՊԱՏՈՒՈՒԹԻՒՆ

Տ. ԹՈՐԳՈՄ ԱՐՔԵՊԻՍԿՈՊՈՍ ՄԱՆՈՒԿԵԱՆ

ՊԱՏՐԻԱՐԺ ՀԱՅՈՑ ԵՐՈՒՍԱՂԷՄԻ

ԵՐՈՒՍԱՂԷՄ

Ամենապատիւ Սրբազան Եղբայր,

Մենք ջերմ գնահատանքով հաստատում ենք, որ վերջին երեք-չորս տարիների ընթացքում, սփիւռքի Հայ Առաքելական Եկեղեցու բոլոր թեմերից և շատ եկեղեցական համայնքներից, մեծազուգումար ու մեծաքանակ մարդասիրական օգնութիւններ են բաշխուել Հայաստանի և Արցախի մեր ժողովրդի կարիքաւոր ընտանիքներին, որբերին, հիւանդանոցներին ու այլ հաստատութիւններին՝ ի մխիթարութիւն բոլորին և բոլորիս: Այդ հայրենանուէր ծառայութիւնները շարունակոււմ են:

Բարձր գնահատանքի և Մեր օրհնութեան արժանի են նաև Ձերդ Ամենապատուութեան ու Ձեր թեմական կազմակերպութեան ծաւալած լայն գործունէութիւնը վերոյիշէ:ալ նպատակներով: Յուսով ենք, որ նաև յետ այսու Ձեր այս հայրենաշէն ծրագիրները պիտի շարունակեք կեանքի կոչել Ձեզ յատուկ բարի եռանդով ու անդուլ ճիգերով:

Այս կապակցութեամբ սոյն Մեր գրով կամենում ենք Ձեր ուշադրութեանը յանձնել, թէ յոյժ ցանկալի է, որ մեր եկեղեցու թեմերից ու եկեղեցիներից Մայր Հայրենիք առաքուած օգնութիւնների մասին նախօրոք տեղեակ պահուի Մայր Աթոռը և օգնութիւնները բաշխուեն՝ հայրենի տուեալ թեմակալ առաջնորդի անմիջական գործակցութեամբ: Սոյն պարագան հաճեցէք ի նկատի ունենալ, որովհետև երբեմն այս կարգը չյարգուէլու հետևանքով մեզ մօտ անցանկալի կացութիւններ են ստեղծուում և դժգոհութիւններ առաջ գալիս:


Այս մտահոգութեամբ, Մենք անհրաժեշտ գտանք սոյն շրջաբերական նամակով մեր բոլոր եկեղեցական-թեմական կենտրոնների ուշադրութիւնը հրաւիրել սոյն հարցի վրայ:

Նոյն մտահոգութեամբ Մենք դիմեցինք նաև Տանն Կիլիկիոյ Աթոռի թեմերին, Մեծի Տանն Կիլիկիոյ Կաթողիկոսութեան միջոցով:

Վարձքերնիդ կատար, սիրելի Սրբազան:

Գոհ պիտի լինենք, եթէ այս հարցի առնչութեամբ հաճէք Մեզ հաղորդել Ձեր առաջադրանքների և ապագայ ծրագրերի մասին:

Եղբայրական սիրով ի Քրիստոս՝



Y. S. E. J.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ